

TEME

GRAČANIČKI GLASNIK
časopis za kulturnu historijuBroj 54
Godina XXVII
Novembar, 2022.
[str. 19-34]

© Monos 2022

Rezultati općih izbora 2022. na području općine Gračanica (širi kontekst)

Prof. dr. Omer Hamzić

U prilogu su prezentiraju osnovne informacije sa općih izbora u BiH 2022. i nešto detaljnije rezultate izbora sa područja Grada (nekada općine) Gračanica, sa određenim pojašnjenjima i komentarima. Radi nekih detaljnijih analiza i uvida u političko stanje na ovom mikroprostoru, rezultati objavljeni na službenim stranicama CIK po biračkim mjestima, ovdje su sabrani i razvrstani po mjesnim zajednicama i prezentirani u posebnoj tabelarnom dijelu ovoga rada. Kao i u prethodnim općim i lokalnim izborima i ovoga puta na području Gračanice pobjednik je SDP za sve nivoe glasanja. Za razliku od viših nivoa vlasti na kojima su vlast ne samo zadržali već i učvrstili oni koji su vladali i do sada, rezultati pokazuju da je Gračanica iz ovih izbora na svim nivoima izašla još „crvenija“, sa izrazitom pobjedom SDP. U utrci za člana Predsjedništva BiH iz reda bošnjačkog naroda, Denis Bećirović (SDP) je i u Gračanici visoko iznad Bakira Izetbegovića (SDA). Po rangui, SDA se i u ovim izborima zadržala na drugom, dok treće i četvrto dijele Demokratska fronta (Željko Komšić) i Naša stranka. Rezultati su pokazali da na ovim izborima ni u Gračanici kao ni u čitavoj BiH nije došlo do značajnijih promjena.

Ključne riječi: Opći izbori u Bosni i Hercegovini 2022, Gračanica, izborni rezultat, parlament, skupština

„IGROKAZ“

Ovogodišnji parlamentarni izbori, deseti po redu u Bosni i Hercegovini, održani 2. 10. 2022. i to, prije svega, zahvaljujući Visokom predstavniku Kristijanu Šmitu, koji je, upotrijebivši svoje „Bonske ovlasti“, nametnuo državni budžet za 2022. godinu i u njemu obezbijedio pare za održavanje izbora. Tako je onemogućio blokadu izbora od strane onih koji su, po svaku cijenu, željeli da i na taj način pokažu kako je Bosna i Hercegovina nemoguća država. To je izgleda i najbolje što je Šmit uradio otkako je „na službi“ u Bosni i Hercegovini.

Međutim, svako ko je izašao na ove izbore, u svoj svojoj naivnosti da će njegov glas otići onome za koga je glasao, nakon svega što se „izdešavalo“ (velike razmjere krađa i zloupotreba izborne volje građana), ima pravo da sumnja. Pravo na sumnju niko nikome ne može oduzeti. Kako je sve završilo, izgleda da je to (dakle pravo na sumnju) jedino i ostalo na raspolaganju naivnom biraču – „građaninu pokornom“.

Doduše, neki su se bunili i tražili stroge sankcije za one koji su krali ili organizovali krađu izbora. Tako je politički analitičar iz Tuzle Ibrahim Prohić, u jednom svom reagovanju napisao i sljedeće: „Ako se ne postupi tako (misli na sankcije), onda izbori nisu ključni instrument demokratije, već alat kojim se legitimiraju oni koji prave štetu tokom mandata. Onda je sve skupi igrokaz za naivne.“¹

„ŠMITOVANJE“

„Šlag na tortu“ ovoga puta dodao je Visoki predstavnik Kristijan Šmit, koji je samo nepun sat nakon zatvaranja biračkih mjesta svojom bizarnom odlukom nametnuo izmjene u Izbornom zakonu i Ustavu F BiH koje su izazvale pravu buru na području F BiH, jer kako je iz više kompetentnih izvora saopšteno, uveliko idu na ruku Hrvatima i njihovoj politici, koja je, izgleda sve to „isposlovala“.

U najmanju ruku diskutabilne odluke Kristijana Šmita, kojim je izvršio direktne intervencije u izborni zakon u trenutku kad su izbori već bili završeni po nekim drugačijim pravilima, kakve god su i nebitno kako su nastale, u najmanju ruku, zbunile su političke subjekte kao i sve ozbiljne ljude na području Federacije BiH (jer se te odluke ne tiču RS, što je samo po sebi diskutabilno). Da donosi „suho zlato“, Šmit je tim svojim potezom „kad mu vrijeme nije“ nanio nepopravljivu

štetu i sebi i nama i „njegovima“ – sasvim nepotrebno. U najmanju ruku nije bilo fer što je napravio tako da se „odglasalo“ po jednim, a glasanje valorizovano po drugim pravilima. To je, po meni, kao kad bi dali pravo nogometnom sudiji, da nakon tek završene utakmice proglasi nova pravila igre koja će se retroaktivno primjeniti na tek završenu utakmicu i omogućiti mu da poništi odlučujući zgoditak, postignut kao penal sa 11 metara zato što je u novim pravilima predvidio da se penal puca sa 11,5 metara.

Mnoge zamjerke mogu se uputiti i upućuju se Šmitu, ovoga puta zbog te njegove intervencije u naš izborni zakon. Ali, prije nego što mu sasvim „presudimo“, pošteno bi bilo zapitati se, a šta su to uradile, „molit ću lijepo“ naše političke elite za posljednjih 27 godina da naprave bilo kakav pomak u bilo čemu u ovoj zemlji, pa ni u izbornom zakonodavstvu. Nisu bile u stanju uvesti čak ni tehničke inovacije (elektronika) u cilju očuvanja kredibiliteta izbora. Sve su one bile naš izbor. Nisu nam ih stranci birali. Ne vredi se sad vaditi da nisu svi isti i da su „naši bolji od njihovih“. Nama zahvaljujući, oni i dalje ostaju „u sedlu“, takoreći netaknuti.

Zar treba osuđivati Šmita, koji je u to samo malo začačkao, iskoristivši svoje ovlasti?.

Drugo je pitanje u korist čije štete.

„CIK-ANJE“

Prvih 20 dana, nakon završetka izbora, u jeku polemike oko Šmitove intervencije, u CIK-u u Sarajevu užurbano su se otvarale vreće sa pojedinim „sumnjivih“ biračkih mjesta i vršilo ponovno brojanje glasova. Radilo se o velikim količinama izuzetog izbornog materijala u kojem su evidentirane krađe, koje su dovodile u pitanje legitimnost, ne samo izbora Milorada Dodika za predsjednika RS (na što se podigla na noge sva tamošnja opozicija), već čak i cjelokupnih izbora u BiH.

¹ Ibrahim Prohić, Pljačka stoljeca – izbori u BiH 22, <https://www.tacno.net/novosti/pljacka-stoljeca-izbori-u-bih-22/> – pregledano 10. 10. 2022.

Glava boli kad se spomene 500.000 nevažećih listića. Samo nešto od tih nepravilnosti javno se saopštavalo, nešto od toga je kao i procesuirano (do 8. 11. CIK podnio tužilaštvu 44 prijave), opozicija u Banja Luci organizovala je dva velika protestna skupa i uputila jasnu poruku: da neće priznati rezultate pokradenih izbora. U Sarajevu se samo malo gundalo...

U međuvremenu, iz CIK-a i OHR-u nago- vještavali su rigoroznije mjere. Neki su spominjali čak i mogućnost ponavljanja izbora tamo gdje se najviše kralo, očekivalo se da će tužilaštva i sudovi raditi i prekovremeno...

I šta?

Ništa. Odjednom, sve ispuhalo...

CIK je „mrtav-hladan“, 2. 11. 2022., pro- glasio rezultate i priznao regularnost izbora, doduše, uz jednu „malu“ opasku: na nekim mjestima jest bilo određenih nepravilnosti, zloupotreba i krađe, ali sve to nije nigdje uti- calo na krajnji rezultat izbora. U ovakvom epilogu, svi ćemo se složiti, i nema baš neke pravde, ali ima „logike“: ako se već ništa ne mijenja u krajnjem rezultatu izbora, zašto bi se komplikovalo i dangubilo više oko svega toga, moramo biti racionalni. Slijedom ove logike, proizilazi da možete krasti sve dok vaša krađa ne ugrozi rezultat izbora. Ko- načno, svako zna da je krađe izbora u ovoj zemlji bilo i ranije, pa se na isti način postu- palo, „nikom nije pala kruna s glave“. Gubit- nici imaju pravo da se ljute i protestvuju do mile volje. Ko im brani?

Nakon objavljivanja konačnih rezultata izbora, stranačka inženjerija je odmah „za- sukala rukave“ i krenula u formiranje vlasti. Ko će s kim, kako... Dok su se u prvoj fazi kupovali glasovi, u drugoj se kupuju posla- nici, krenuli su preletači, bolje definisani kao

papci. Dok ovo pišemo prvi su se pojavili u Tuzlanskom kantonu. Preletjeli iz PDA pod skute SDA i tako „napravili“ vlast. Iz disiden- ske stranke Socijal-demokrata (BIJedić i dr.) prelijeću opozicionoj grupaciji... Počelo je u Tuzli–novine pišu da će toga biti još...

REZULTATI

Nakon ovih, nešto širih uvodnih bilješki koje smo dali u četiri tačke, da se ipak vratimo temi ovog članka i rezultatima izbora, ostav- ljajući po strani pitanje u kojem su procentu ti rezultati „vlasništvo“ nas glasača, a u kojem „vlasništvo“ brojača.

Prvo, izlaznost: od ukupno 3.368.663. registrovanih birača u BiH, na birališta je u ovogodišnjim izborima izašlo i glasalo preko 51%, što je nešto manje u odnosu na opšte izbore 2018. (izlaznost je bila 53,56%). Na teritoriji Grada Gračanica (ranije općine), na 63 registrovana biračka mjesta od 41.296 re- gistrovanih birača, glasalo je 21.168. ili 51,2% Izlaznost je u biti u nivou nekih razvijenih za- padnih demokratija, ali je nedostatna za neke ozbiljnije političke i društvene promjene u zemljama kao što je Bosna i Hercegovina. Neki se, doduše trude da dokažu kako je ta izlaznost u stvarnosti veća, imajući u vidu nesređenost i neažurnost biračkih spiskova na kojima se još uvijek vode „i živi i mrtvi“.

Opći dojam: prema konačnim rezultatima (saopštenie od CIK-a od 2. 11. 2022.) i ove kao i prošle parlamentarne izbore, po broju osvojenih glasova, obilježile su tri takozvane nacionalne stranke koje se, otkako postoje, predstavljaju kao jedini legitimni predstavi- nici „svojih“–SDA, HDZ i SNSD.² Tako će nam u biti ostati sve isto.

U Predsjedništvu BiH, ipak promjene. Ne treba zanemariti ulazak u Predsjedništvo

2 Objašnjenje skraćenica u tekstu i tabelama: SDP – Socijaldemokratska partija, SDA – Stranka demokratske akcije, PDA – Pokret demokratske akcije, NS – Naša stranka, BPS – Bosanska patriotska stranka, NB – Nezavisni blok, SBB – Savez za bolju budućnost, DF–Demokratska fronta, S BiH – Stranka za Bosnu i Hercegovinu, BOSS – Bosanska stranka, A SDA – Stranka demokratske aktivnosti, NIP – Narod i pravda E: Konakovića, NBL – Neza- visna bosanskohercegovačka lista, SNSD – Savez nezavisnih demokrata, SP – Socijalistička partija, SDS – Srpska demokratska stranka, DNS – Demokratski narodni savez, NS – Napredna stranka

Denisa Bećirovića kao kandidata 11 opozicionih stranaka (na čelu sa SDP), od kojeg njegove pristalice očekuju da će unijeti bar malo svježine u politički život Bosne i Hercegovine. Oni koji su veći optimisti, očekuju da će Bećirović biti u stanju pokrenuti neke pozitivne promjene, bez obzira na dominaciju stranaka pobjednica, koje mu nisu naklonjene. Promjenom u formalnom smislu može se smatrati i rokada između Milorada Dodika i Željke Cvijanović (Dodik je izabran za predsjednika RS, a Cvijanovićeva za člana Predsjedništva iz reda srpskog naroda), ali je više nego jasno da ta rokada omogućuje samo još jaču destrukciju i sukobe u zemlji koje će, kako je već najavio, forsirati Dodik kao apsolutni gospodar „svega što je srpsko“ s ovu stranu Drine. Slično se desilo i u HDZ, koja je na prijedlog Dragana Čovića (kojeg neki odmila zovu Legitimni), kandidovala Borjanu Krišto za člana Predsjedništva iz reda hrvatskog naroda s tim što Krišto nije ušla u Predsjedništvo Bosne i Hercegovine kao Cvijanovićeva jer je u utrci za to mjesto po četvrti puta pobijedio Željko Komšić (DF).

...

U Federaciji BiH i ove, kao i prošle izbore obilježile su SDA, HDZ i SDP kao tri najjače i ideološki jasno profilirane stranke, prve dvije narodnjačke (ili nacionalne) kao vladajuće i treća opoziciona–lijeve građanske i orijentacije. Iako su opozicione stranke iz takozvane

„Sarajevske trojke“ (SDP, NIP i NS) uspjele okupiti još osam stranaka oko kandidature Denisa Bećirovića za člana Predsjedništva BiH iz reda bošnjačkog naroda (koji je ubjedljivo pobijedio svog glavnog protivkandidata, lidera SDA Bakira Izetbegovića), ipak je politička slika Federacije BiH ostala nepromijenjena. Za razliku od svog poraženog lidera Bakira Izetbegovića u utrci za Predsjedništvo, SDA je ostvarila jako dobar rezultat i apsolutni je pobjednik na svim ostalim nivoima glasanja (Parlament BiH, Predstavnički dom F. BiH, Skupština TK), značajno popravivši svoj položaj i u odnosu na prethodne parlamentarne izbore. Čak je sa 13 osvojenih mandata ubjedljivo pobijedila i u Tuzlanskom kantonu, ostavivši SDP kao svog glavnog rivala na drugom mjestu sa 21% manje osvojenih glasova i 8 mandata.³

Na drugom mjestu je SDP (na svim nivoima glasanja), kao vodeća snaga unutar koalicije od 11 stranaka koje su zajednički podržale Denisa Bećirovića za člana Predsjedništva BiH. Iako je Bećirović ubjedljivi pobjednik u utrci za Predsjedništvo, SDP je ostvarila slabiji, poprilično bljedunjav rezultat u odnosu na prethodne izbore. Od svih gradova, SDP je jedino, izgleda, pobjednik izbora na području Gračanice.

Na trećem mjestu je HDZ kao apsolutni gospodar u kantonima sa hrvatskom nacionalnom većinom.⁴ Ni ovoga puta, međutim, nije uspio „progurati“ svog kandidata,

3 Kako je došlo do toga da lider SDA Bakir Izetbegović bude tako ubjedljivo poražen u utrci za člana Predsjedništva BiH iz reda bošnjačkog naroda, a da stranka na čijem je čelu istovremeno ostvari ubjedljivu pobjedu na svim ostalim nivoima, pitanje je koje zaokuplja pažnju i zaokupljat će pažnju mnogih analitičara i političkih posmatrača u BiH. Činjenica je da je u našem političkom životu uobičajena pojava da lider kao pojedinac bude popularniji od stranke na čijem je čelu i da dobije više glasova od svoje stranke. Obrnuta situacija, kao u slučaju Bakira Izetbegovića, prava je rijetkost. Kako? Izetbegović je to objašnjavao činjenicom da se borio sam protiv jedanaestorice, pa je i logično da u takvom odnosu snaga nije mogao pobijediti. No, na to se može postaviti pitanje: zar politička konfiguracija u Federaciji BiH nije ista (sastavljena i od te jedanaestorice), pa je SDA kao stranka izašla pobjednica na svim ostalim nivoima. Protivnici SDA, a pogotovo njeni bivši članovi – disidenti ističu to kao dokaz da u ovim izborima nije sve štimalo kako treba, da se namještalo, potkradalo itd. Naravno, to se ne može dokazati iako se najviše tiče SDA koja će se, prije ili kasnije morati pozabaviti spomenutim nesrazmjerom: pobjedom strane i porazom lidera.

4 U utrci za člana Predsjedništva BiH iz reda bošnjačkog naroda (Federacija BiH), bila su 3 kandidata, koji su ostvarili sljedeće rezultate: na prvom mjestu je Denis Bećirović – Ujedinjeni za BiH (SDP) sa 230.238 ili 57,37% osvojenih glasova, na drugom Bakir Izetbegović (SDA) sa 37,22%, na trećem Mirsad Hadžikadunić (Platforma za

odnosno kandidatkinju Borjanu Krišto u Predsjedništvo BiH iz reda hrvatskog naroda kao što nije uspjela ni na prethodnim izborima sa svojim liderom ili vlasnikom Dragom Čovićem. I u ovim izborima prepreka je bio Željko Komšić, koji je po četvrti puta kao kandidat DF izabran, kako se uporno tvrdi s hrvatske strane, glasovima Bošnjaka i „glasno šuti u SDA. Ponovni izbor Komšića, očekivano, izazvao je burne reakcije ne samo u hrvatskim političkim krugovima u Bosni i Hercegovini, već i u Hrvatskoj, koja je, koristeći argument „Željko“ odavno već u važnim strukturama EU uspjela nametnuti stereotip o ugroženosti bosanskih Hrvata od većinskih Bošnjaka koji im biraju političke predstavnike itd. Izbor Željka Komšića na tu funkciju u prethodnim izborima bio je razlog velikih blokada i opstrukcija mnogih organa vlasti u F BiH, pa i izbora sudija Ustavnog suda i Vlade F. koja je sve 4 godine provela u tehničkom mandatu – jer je „HDZ tako htio“. Pretpostavlja se da je Komšić bio jedan od glavnih razloga što je i Visoki predstavnik, bogtepita pod kakvim pritiscima, posegnuo za izmjenama Izbornog zakona „kad im vrijeme nije“ i to „u po frke“, neposredno nakon zatvaranja biračkih mjesta – itd, itd. Ova travakavica produžila se, evo, u nedogled i u po-

stizbornom periodu i ko zna kako će se sve to završiti.

Zaključak je da prva tri mjesta po broju osvojenih glasova i broju mandata na sva tri nivoa glasanja u predstavničkim organima u Federaciji BiH zauzimaju SDA, SDP, i HDZ, osim Skupštine Tuzlanskog kantona u kojoj je na trećem mjestu PDA, dok HDZ nije uspjela prekoračiti izborni prag.

...

Na području Republike Srpske (RS) i u ovim izborima dominirala je SNSD sa svojim satelitima, kojima se suprotstavio opozicioni blok – koji je činila osovina SDS i PDP. Prema priznatim rezultatima (nakon ponovnog brojanja, protesta opozicije i osporavanja rezultata), SNSD je izašao kao apsolutni pobjednik, osvojivši više mandata nego u prethodnim izborima, te se tako još više učvrstio na vlasti i definitivno sahranio opoziciju koja je neočekivano podbacila na svim nivoima glasanja.⁵ Uprkos velikih protesta opozicije zbog krađe izbora, CIK je, nakon silnih prebrojavanja utvrdio da Dodikova kompanija nije pokrala glasove u „količinama“ koje bi mogle uticati na rezultate izbora. Opozicija postavlja logično pitanje: zašto su onda krali? Dok ovo pišemo, stižu vijesti da je zbog izbornog poraza kompletno rukovodstvo opo-

progres) sa 5,31; u utrci za člana Predsjedništva BiH iz reda hrvatskog naroda (Federacija BiH), bila su 2 kandidata: na prvom mjestu je Željko Komšić (Demokratska fronta) sa 55,55% osvojenih glasova, na drugom Borjanu Krišto sa 44,45% osvojenih glasova.; iz reda srpskog naroda (Republika srpska) na listi je bilo 5 kandidata, koji su ostvarili sljedeće rezultate: Željka Cvijanović (SNSD) 52,03% % glasova, Mirko Šarović (SDS) 35,68%, Nenad Nešić (Demokratski narodni savez – DNS) 5,49%, Vojin Mijatović (Ujedinjeni za slobodnu BiH – SDP) 5,49%; Borislav Bijelić (Stranka „Život“) 1,31% (CIK BiH, Opći izbori 2022, potvrđeni rezultati, https://www.izbori.ba/Rezultati_izbora/?resId=32&langId=1#/1/1/0/0/701.., 2.11.. 2022)

5 U utrci za **Predsjednika RS** pobjednik je Milorad Dodik sa 47,6% osvojenih glasova, na dugom mjestu je Jelena Trivić sa 42,84% glasova; u utrci za potpredsjednika RS iz reda bošnjačkog naroda pobijedio je Čamil Duraković sa 2,16%, a iz reda hrvatskog naroda Davor Pranjić (HDZ) sa 0,31% osvojenih glasova; Izabrana poslanička skupina u **Parlamentarnu skupštinu BiH iz RS**: SNSD (sa 41,15% osvojenih glasova) 6 mandata, SDS sa 18,08% osvojenih glasova – 2 mandata, PDP (11,76%) 2 mandata, Stranka za pravdu i red N. Vukanovića (5,31%) 1 mandat, Demokratski savez (4,93) 1 mandat i SDA (4,85%) 1 mandat, Ujedinjena srpska (3,93%) 1 mandat; Rezultati glasanja za **Narodnu skupštinu RS**: SNSD osvojio 34,64% glasova i 29 mandata, SDS (14,95) i 13 mandata, PDP (10,3%) 8 mandata, Socijalistička partija (5,92) 5 mandata, Pokret za državu – SDA i drugi (5,73%) 5 mandata, Demokratski savez (5,46%) i 5 mandata, Ujedinjena srpska (5,11%) i 4 mandata, Za pravdu i red – Vukanović (4,93%) i 4 mandata, Demokratski narodni savez (4,46%) i 4 mandata, Narodna partija srpske (3,27) i 3 mandata, Socijalistička partija Srpske (3,11) i 3 mandata; (CIK BiH, Opći izbori 2022, potvrđeni rezultati, https://www.izbori.ba/Rezultati_izbora/?resId=32&langId=1#/1/1/0/0/701.., 2.11.. 2022)

zicionog SDS, na čelu sa Mirkom Šarovićem, podnijelo ostavku.

...

Dvije vodeće političke stranke na *nivou Grada Gračanica*—SDP i SDA u ovim izborima neznatno su popravile svoj rezultat u odnosu na prethodne izbore. Vodeći je i dalje SDP u glasanju za sve nivoe vlasti, na drugom mjestu je SDA, dok Naša stranka i Narodna fronta dijele treće i četvrto mjesto, zavisno od nivoa glasanja. Tabela pregledi pokazuju da SDP kao pobjednik i u ovim izborima, od drugoplasirane SDA „bježi“ i dalje za desetak i više procenata na većini biračkih mjesta. To svakako nije rezultat neke pojačane aktivnosti ili izraženijeg kvaliteta lokalnog SDP, čiji je jedini „resurs“ i dalje gradonačelnik, nego je to rezultat slabosti na protivničkoj strani i posljedica nekih afera koje se općenito vežu za SDA (respiratori, korupcija, „Asim“ itd.). Treće i četvrto mjesto dijele Demokratska fronta i Naša stranka, na petom je stranka u usponu „Narod i pravda“ itd.

Posmatrajući tri posljednja izborna ciklusa za područje Grada Gračanica (za sve nivoe glasanja) može se uočiti da je na prvom mjestu SDP bio u izborima 2018. i 2022., a SDA 2014. godine, dok je na drugom mjestu SDP bio 2014., a SDA 2018. i 2022. godine. (detaljnije: u tabeli 1)

Analizom rezultata izbora po mjesnim zajednicama Gračanica može se primijetiti da ni na tom nivou nije došlo do značajnijih promjena u odnosu na prethodne izbore, bar što se tiče dvije vodeće stranke. Samo naselje Gračanica sa dvadesetak hiljada stanovnika i 17 biračkih mjesta, u političkom smislu i dalje ostaje označeno crvenom bojom kao bastion SDP. Kao kandidat SDP i ostalih 10 stranaka u utrci za člana Predsjedništva osvojio je 46,4%, a drugoplasirani Izetbegović kao kandidat SDA 23,31%. Za ostale nivoe gla-

sanja Gračanlije su SDP dali u prosjeku 35% glasova, a drugoplasiranoj SDA 23,5% itd. Nije došlo do promjena ni na spisku mjesnih zajednica, označenih zelenom bojom. Gornji Doborovci, Džakule i Prijeko Brdo, pa i Lukavica, Stjepan Polje i neki dijelovi Orahovice ostaju i dalje najjača uporišta SDA. (rezultate izbora po mjesnim zajednicama na gradskom području Gračanice vidi detaljnije u tabelama: 2,3,4 i 5)

I u ovim izborima Gračanica je relativno dobro prošla u pogledu broja osvojenih poslaničkih mjesta u Parlamentu Federacije i Skupštini Tuzlanskog kantona. U Federalnom parlamentu imat će 3 poslanika. To su: Nihad Karjinović (SDP), Alen Mujić (DF) i Mirsad Čamdžić (drugi mandat – Naša stranka. Poslanici u Skupštini Tuzlanskog kantona iz Gračanice u ovom mandatu će biti: Vahidin Smajlović (SDP, drugi mandat) i Amir Hasičević (Naša stranka).

„Upitnik“

Kako zaključiti ovaj prilog?

Iako nemam običaj citirati samog sebe, smišljajući odgovor za prethodno postavljeno pitanje, procijenio sam da je najbolje, ipak, prepisati zaključnu rečenicu iz analize općih izbora koju sam napisao 2018., koja je glasila: „Uprkos nekim nadama i očekivanjima, poslije ovih izbora dosadašnja politička konfiguracija BiH ostala je nepromijenjena. Političke snage koje su Bosnu i Hercegovinu zakovale na začelju Evrope i izjednačile sa nerazvijenim afričkim zemljama, ovim izborima čak su i učvršćene.“⁶

Ako je ovakva ocjena važila prije četiri godine (a jeste) i ako vjerno detektuje stanje nakon ovih izbora, onda se svi koji vole ovu zemlju moraju debelo zabrinuti za njenu budućnost.

Rezultate i ovogodišnjih izbora za područje Gračanice objavljujemo u tabelarnim

6 Omer Hamzić, Rezultati općih izbora 2018. na području općine Gračanica, *Gračanički glasnik*, br. 46/18, Gračanica 2018, 13–23

pregledima u prilogu onako kako su objavljeni na službenim stranicama CIK-a.⁷ U poređenju sa istim tabelama iz 1918., nije teško zaključiti da je stanje ostalo „zakovano“ kao i na nivou zemlje.

Nakon svih dešavanja u ovim izborima i pregledavanja njihovih ozvaničenih rezultata, ipak ostaje upitnik: jesu li ti rezultati po volji CIK-a (i onih koji iza svega ovoga stoje) ili su stvarno rezultati po izbornoj volji građana?

Kako je najavljeno, u Bosni i Hercegovini „šmitovanje“ se, u svakom slučaju nastavlja (OHR i ostali vanjski faktori), ali ni CIK-ovane ništa ne zaostaje (dosadašnje vodeće političke stranke i ostali domaći „izdajnici interesa građana“).

SUMMARY

RESULTS OF THE GENERAL ELECTIONS IN CITY OF GRAČANICA - A WIDER CONTEXT

This article presents basic information from the general elections in Bosnia and Herzegovina, and somewhat more detailed the results of the elections

from the city area (formerly the municipality area) of Gračanica, with certain clarifications and comments. For the sake of some more detailed analysis and insights into the political situation in this micro-space, the results published on the CIK official website by polling station, are collected here and classified by local communities and presented in a separate tabular part of this work. As was the case in the previous general and local elections in the Gračanica area, the SDP was the winner on all levels of casting votes. That is in contrast to the higher levels of government where power was not only retained but also strengthened by those who ruled until now. The result of this election show that Gračanica came out even “redder” at all levels, with a distinct victory for the SDP. In the race for the Presidency of Bosnia and Herzegovina, that is, for the Bosniak member of said institution, Denis Bećirović (SDP) was also far ahead of Bakir Izetbegović (SDA) in Gračanica. In terms of ranking, the SDA remained in second place during these elections, while the Demokratska Fronta (Željko Komšić) and Naša Stranka shared the third and fourth places. The results showed that there were no significant changes in these elections in Gračanica or in the whole of Bosnia and Herzegovina.

⁷ Zahvaljujem se Harunu Kurtoviću, dipl. pravniku iz Gračanice na pomoći i trudu koji je uložio u izradi i kreiranju tabelarnih pregleda izbornih rezultata po mjesnim zajednicama na području Grada Gračanica.

Tabela 1: uporedni rezultati izbora 2014., 2018. i 2022. dominantnih političkih stranaka za područje općine/grada Gračanica													
Nivo glasanja													
		Predsjedništvo			Parl. BiH			Parl. F BiH			Skupš. TK		
Pol. str.	Izb. god.	glasova	%	rang	glasova	%	rang	glasova	%	rang	Glasova	%	rang
SDP	2014	3297	15,3	2	4399	21,0	2	5323	24,6	2	4668	21,7	2
	2018	7584	35,7	1	6427	31,3	1	7006	33,2	1	6587	31,5	1
	2022	9146	46,4	1	6485	33,7	1	7323	36,8	1	6704	33,1	1
SDA	2014	5710	26,5	1	6584	31,5	1	6965	32,2	1	6593	30,7	1
	2018	4325	20,4	2	4724	23,0	2	4975	23,6	2	4626	22,1	2
	2022	4.396	37,25	2	4617	23,9	2	4787	23,6	2	4881	24,6	2
PDA	2014												
	2018				1927	9,38	4	1878	8,9	5	2211	10,6	3
	2022				188	0,98	11	192	0,9	11	204	1,1	12
NS	2014							644	3,0	6	551	2,6	6
	2018	380	1,79	4	1414	6,9	5	2165	10,3	3	1812	8,7	4
	2022				1418	7,36	5	1912	9,6	4	1899	9,7	3
BPS	2014	2258	10,5	3	1291	6,9	5	1098	5,1	5	1654	7,7	5
	2018				785	3,8	6	391	1,8	7	679	3,2	7
	2022							66	0,3	14			
NB	2014												
	2018	409	1,9	3	766	3,7	7	391	1,8	8	383	1,83	8
SBB	2014	4372	20,3	3	2522	12,1	4	2140	9,9	4	1900	8,8	4
	2018	1058	5,0		751	3,7	8	791	3,7	6	972	4,6	6
	2022				642	3,26	6	642	3,4	6	266	1,3	10
DF	2014				3962	18,9	3	3458	16,0	3	2596	12,1	3
	2018	5358	25,2		2321	11,3	3	2030	9,7	4	1531	7,3	5
	2022	5155	26,2		2543	13,2	3	2263	11,3	3	1799	9,0	4
Platf.	2022	855	4,34		404	2,1	8	197	1	10	311	2,0	9

Napomena uz tabelu 1: kandidati za člana Predsjedništva BiH iz reda bošnjačkog naroda bili su: ispred SDP Bakir Hadžimerović (2014), Denis Bećirović (2018. i 2022.): ispred SDA Bakir Izetbegović (2014), Šefik Džaferović (2018) i Bakir Izetbegović (2022.); ispred Naše stranke Boriša Falatar (2018); ispred BPS Sefer Halilović (2014); ispred Nezavisnog bloka (NB) Senad Šepić (2018); kandidat iz reda hrvatskog naroda ispred DF Željko Komšić (2018); ispred Platforme za progres Mirsad Hadžikadunić (2022.)

Tabela 2. Izbori 2022. - Rezultati glasanja za članove Predsjedništva BiH po mjesnim zajednicama Grada Gračanica

Mjesna zajednica	Broj glasača	Izašlo	%	Važeći	Nevažeći	Denis Bećirović	%	Bakir Izetbegović	%	Željko Komšić	%	Mirsad Hadžikadić	%	Borjana Krišto	%
Babići	1775	916	51,6	889	27	341	38,4	276	31,0	253	28,5	18	2,0	1	0,1
Buk - 003	229	121	52,8	112	9	29	25,9	55	49,1	27	24,1	1	0,9	0	0,0
Doborovci	867	564	65,1	528	36	269	50,9	121	22,9	49	9,3	30	5,7	1	0,2
Gornji Doborovci - 006	487	228	46,8	213	15	95	44,6	47	22,1	51	23,9	20	9,4	0	0,0
Džakule	1021	483	47,3	433	50	144	33,3	192	44,3	89	20,6	7	1,6	1	0,2
Gračanica	12130	6431	53,0	6028	403	3102	51,5	773	12,8	1784	29,6	359	6,0	10	0,2
Donja Lohinja	1051	543	51,7	497	46	210	42,3	133	26,8	134	27,0	19	3,8	1	0,2
Lukavica	2638	1071	40,6	961	110	305	31,7	353	36,7	266	27,7	36	3,7	1	0,1
Malešići	1795	1351	75,3	1284	67	618	48,1	293	22,8	313	24,4	59	4,6	1	0,1
Miričina	2007	1028	51,2	922	106	446	48,4	135	14,6	300	32,5	40	4,3	1	0,1
Donja Orahovica	3924	1722	43,9	1627	95	787	48,4	358	22,0	413	25,4	65	4,0	4	0,2
Gornja Orahovica	1589	716	45,1	673	43	312	46,4	184	27,3	164	24,4	13	1,9	0	0,0
Piskavica - 038	494	311	63,0	293	18	134	45,7	74	25,3	78	26,6	6	2,0	1	0,3
Pribava	1920	918	47,8	841	77	386	45,9	90	10,7	201	23,9	37	4,4	127	15,1
Prijeko Brdo - 040	487	324	66,5	315	9	49	15,6	229	72,7	34	10,8	3	1,0	0	0,0
Rašljeva - 041	560	358	63,9	318	40	136	42,8	126	39,6	49	15,4	7	2,2	0	0,0
Soko	1361	745	54,7	670	75	380	56,7	117	17,5	152	22,7	20	3,0	1	0,1
Stjepan Polje	3055	1750	57,3	1616	134	621	38,4	447	27,7	498	30,8	49	3,0	1	0,1
Škahovica	1097	729	66,5	703	26	415	59,0	170	24,2	102	14,5	16	2,3	0	0,0
Trnovci - 048	556	305	54,9	276	29	109	39,5	105	38,0	53	19,2	8	2,9	1	0,4
Vranovići - 049	804	435	54,1	405	30	217	53,6	82	20,2	70	17,3	35	8,6	1	0,2
Gornja Lohinja - 053	155	51	32,9	50	1	18	36,0	22	44,0	6	12,0	4	8,0	0	0,0
Lendići - 054	154	58	37,7	51	7	23	45,1	14	27,5	11	21,6	3	5,9	0	0,0
Ukupno:	40156	21158	52,7	19705	1453	9146	46,4	4396	22,3	5097	25,9	855	4,3	153	0,8

Tabela 3 . Izbori 2022. Rezultati glasanja za Parlamentarnu skupštinu BiH po mjesnim zajednicama Grada Gračanica											
Mjesna zajednica	Broj glasača	Izašlo	%	Važeći	Nevažeći	SDA	%	SDP	%	DF/GS Komšić	%
Babići	1775	916	51,6	850	66	234	27,5	280	32,9	99	11,6
Buk	229	121	52,8	106	15	55	51,9	31	29,2	10	9,4
Doborovci	1207	563	46,6	505	58	129	25,5	204	40,4	67	13,3
G. Doborovci	487	228	46,8	201	27	63	31,3	43	21,4	33	16,4
Džakule	1021	483	47,3	416	67	222	53,4	74	17,8	48	11,5
Gračanica	12130	6442	53,1	5935	507	802	13,5	2000	33,7	802	13,5
D. Lohinja	1051	545	51,9	493	52	142	28,8	123	24,9	78	15,8
Lukavica	2638	1071	40,6	926	145	398	43,0	221	23,9	139	15,0
Malešići	2595	1351	52,1	1240	111	284	22,9	599	48,3	110	8,9
Miričina	2007	1028	51,2	906	122	130	14,3	249	27,5	199	22,0
D. Orahovica	3924	1722	43,9	1647	75	432	26,2	538	32,7	259	15,7
G. Orahovica	1589	716	45,1	658	58	195	29,6	258	39,2	68	10,3
Piskavica	494	311	63,0	288	23	81	28,1	104	36,1	37	12,8
Pribava	1920	918	47,8	815	103	98	12,0	187	22,9	181	22,2
Prijeko Brdo	487	324	66,5	316	8	265	83,9	29	9,2	14	4,4
Rašljeva	560	358	63,9	315	43	122	38,7	138	43,8	31	9,8
Soko	1361	745	54,7	651	94	123	18,9	287	44,1	57	8,8
Stjepan Polje	3055	1750	57,3	1490	260	489	32,8	304	20,4	228	15,3
Škahovica	1097	729	66,5	716	13	109	15,2	525	73,3	18	2,5
Trnovci	556	305	54,9	270	35	127	47,0	81	30,0	15	5,6
Vranovići	804	435	54,1	412	23	89	21,6	173	42,0	41	10,0
G. Lohinja	155	51	32,9	48	3	18	37,5	15	31,3	6	12,5
Lendići	154	58	37,7	57	1	10	17,5	22	38,6	5	8,8
Ukupno:	41296	21170	51,3	19261	1909	4617	24,0	6485	33,7	2545	13,2

Mjesna zajednica	BOSS	%	NIP	%	SD BiH	%	Stranka za BiH	%	PDA	%	Nаша stranka	%	Ostali	%
Babići	98	11,5	56	6,6	19	2,2	16	1,9	2	0,2	4	0,5	42	4,9
Buk	3	2,8	0	0,0	0	0,0	1	0,9	0	0,0	4	3,8	2	1,9
Doborovci	33	6,5	9	1,8	3	0,6	8	1,6	5	1,0	10	2,0	37	7,3
G. Doborovci	25	12,4	9	4,5	9	4,5	8	4,0	2	1,0	8	4,0	1	0,5
Džakule	27	6,5	1	0,2	2	0,5	0	0,0	5	1,2	22	5,3	15	3,6
Gračanica	447	7,5	224	3,8	49	0,8	112	1,9	71	1,2	1001	16,9	427	7,2
D. Lohinja	55	11,2	29	5,9	1	0,2	13	2,6	3	0,6	26	5,3	23	4,7
Lukavica	40	4,3	19	2,1	5	0,5	10	1,1	3	0,3	40	4,3	51	5,5
Malešići	126	10,2	32	2,6	10	0,8	9	0,7	4	0,3	20	1,6	46	3,7
Miričina	91	10,0	32	3,5	16	1,8	57	6,3	14	1,5	64	7,1	54	6,0
D. Orahovica	178	10,8	59	3,6	9	0,5	51	3,1	17	1,0	39	2,4	65	3,9
G. Orahovica	50	7,6	35	5,3	2	0,3	14	2,1	1	0,2	12	1,8	23	3,5
Piskavica	21	7,3	7	2,4	7	2,4	2	0,7	2	0,7	9	3,1	18	6,3
Pribava	84	10,3	18	2,2	4	0,5	119	14,6	14	1,7	52	6,4	58	7,1
Prijeko Brdo	0	0,0	3	0,9	3	0,9	0	0,0	3	0,9	2	0,6	-3	-0,9
Rašljeva	6	1,9	2	0,6	2	0,6	3	1,0	2	0,6	1	0,3	8	2,5
Soko	29	4,5	12	1,8	0	0,0	3	0,5	4	0,6	29	4,5	107	16,4
Stjepan Polje	159	10,7	92	6,2	11	0,7	34	2,3	19	1,3	54	3,6	100	6,7
Škahovica	40	5,6	4	0,6	3	0,4	6	0,8	1	0,1	4	0,6	6	0,8
Trnovci	15	5,6	6	2,2	6	2,2	3	1,1	0	0,0	4	1,5	13	4,8
Vranovići	34	8,3	21	5,1	21	5,1	4	1,0	16	3,9	8	1,9	5	1,2
G. Lohinja	2	4,2	2	4,2	2	4,2	0	0,0	0	0,0	1	2,1	2	4,2
Lendići	6	10,5	1	1,8	1	1,8	0	0,0	0	0,0	4	7,0	8	14,0
Ukupno:	1569	8,1	673	3,5	185	1,0	473	2,5	188	1,0	1418	7,4	1108	5,8

Tabela 5. Izbori 2022. - Rezultati glasanja za Parlament Federacije BiH po mjesnim zajednicama Grada Gračanica													
Biračko mjesto	Broj glasača	Izašlo	%	Važeći	Ne-važeći	SDA	%	SDP	%	DF/GS Kom-šić	%	BOSS	%
Babići	1775	916	51,6	868	48	192	22,1	267	30,8	59	6,8	22	2,5
Buk	229	121	52,8	116	5	71	61,2	24	20,7	8	6,9	1	0,9
Doborovci	1207	562	46,6	524	38	145	27,7	213	40,6	59	11,3	14	2,7
G. Doborovci	487	228	46,8	224	4	77	34,4	60	26,8	22	9,8	12	5,4
Džakule	1021	483	47,3	433	50	260	60,0	78	18,0	36	8,3	15	3,5
Gračanica	12130	6440	53,1	6044	396	835	13,8	2447	40,5	560	9,3	167	2,8
D. Lohinja	1051	543	51,7	771	92	278	36,1	193	25,0	107	13,9	40	5,2
Lukavica	2638	1071	40,6	953	118	406	42,6	236	24,8	118	12,4	17	1,8
Malešići	2595	1351	52,1	1257	94	268	21,3	634	50,4	96	7,6	50	4,0
Miričina	2007	1028	51,2	922	106	124	13,4	238	25,8	185	20,1	30	3,3
D. Orahovica	3924	1722	43,9	1660	62	373	22,5	552	33,3	321	19,3	68	4,1
G. Orahovica	1589	716	45,1	668	48	187	28,0	278	41,6	80	12,0	21	3,1
Piskavica	494	311	63,0	290	21	89	30,7	110	37,9	42	14,5	7	2,4
Pribava	1920	918	47,8	829	89	93	11,2	246	29,7	158	19,1	48	5,8
Prijeko Brdo	487	324	66,5	320	4	284	88,8	25	7,8	7	2,2	0	0,0
Rašljeva	560	358	63,9	336	22	121	36,0	138	41,1	43	12,8	3	0,9
Soko	1361	749	55,0	694	55	123	17,7	423	61,0	40	5,8	9	1,3
Stjepan Polje	3055	1750	57,3	1580	170	443	28,0	382	24,2	225	14,2	66	4,2
Škahovica	1097	729	66,5	718	11	133	18,5	483	67,3	29	4,0	17	2,4
Trnovci	556	304	54,7	283	21	151	53,4	73	25,8	13	4,6	6	2,1
Vranovići	804	435	54,1	414	21	100	24,2	189	45,7	48	11,6	15	3,6
G. Lohinja	155	51	32,9	47	4	22	46,8	15	31,9	4	8,5	3	6,4
Lendići	154	58	37,7	54	4	12	22,2	19	35,2	3	5,6	4	7,4
Ukupno:	41296	21168	51,3	20005	1483	4787	23,9	7323	36,6	2263	11,3	635	3,2

Tabela 4. Izbori 2022. - Rezultati glasanja za Parlament Federacije BiH po mjesnim zajednicama Grada Gračanica (nastavak)												
Biračko mjesto	NIP	%	SBB	%	Stranka za BiH	%	PDA	%	Nаша stranka	%	Ostali	%
Babići	158	18,2	28	3,2	14	1,6	1	0,1	20	2,3	107	12,3
Buk	3	2,6	2	1,7	1	0,9	0	0,0	5	4,3	1	0,9
Doborovci	4	0,8	14	2,7	17	3,2	7	1,3	22	4,2	29	5,5
G. Doborovci	10	4,5	3	1,3	15	6,7	2	0,9	15	6,7	8	3,6
Džakule	1	0,2	4	0,9	4	0,9	2	0,5	23	5,3	10	2,3
Gračanica	174	2,9	273	4,5	117	1,9	69	1,1	1117	18,5	285	4,7
D. Lohinja	13	1,7	25	3,2	11	1,4	6	0,8	59	7,7	39	5,1
Lukavica	9	0,9	31	3,3	11	1,2	3	0,3	69	7,2	53	5,6
Malešići	47	3,7	36	2,9	8	0,6	6	0,5	74	5,9	38	3,0
Miričina	27	2,9	22	2,4	139	15,1	6	0,7	88	9,5	63	6,8
D. Orahovica	43	2,6	35	2,1	120	7,2	17	1,0	83	5,0	48	2,9
G. Orahovica	21	3,1	7	1,0	24	3,6	1	0,1	23	3,4	26	3,9
Piskavica	4	1,4	13	4,5	4	1,4	0	0,0	15	5,2	6	2,1
Pribava	14	1,7	54	6,5	45	5,4	15	1,8	122	14,7	34	4,1
Prijeko Brdo	2	0,6	0	0,0	1	0,3	1	0,3	0	0,0	0	0,0
Rašljeva	2	0,6	3	0,9	12	3,6	3	0,9	2	0,6	9	2,7
Soko	8	1,2	15	2,2	4	0,6	5	0,7	33	4,8	34	4,9
Stjepan Polje	64	4,1	61	3,9	141	8,9	22	1,4	96	6,1	80	5,1
Škahovica	12	1,7	6	0,8	10	1,4	9	1,3	13	1,8	6	0,8
Trnovci	10	3,5	9	3,2	0	0,0	0	0,0	5	1,8	16	5,7
Vranovići	2	0,5	11	2,7	4	1,0	13	3,1	20	4,8	12	2,9
G. Lohinja	0	0,0	0	0,0	0	0,0	0	0,0	2	4,3	1	2,1
Lendići	1	1,9	2	3,7	2	3,7	4	7,4	6	11,1	1	1,9
Ukupno:	629	3,1	654	3,3	704	3,5	192	1,0	1912	9,6	906	4,5

Tabela 5 . Izbori 2022. - Rezultati glasanja za Skupštinu Tuzlanskog kantona po mjesnim zajednicama Grada Gračanica													
Biračko mjesto	Broj glasa- ča	Izašlo	%	Važeći	Neva- žeći	SDA	%	SDP	%	DF/GS Kom- šić	%	Naša Stran- ka	%
Babići	1775	916	51,6	852	64	228	26,8	283	33,2	65	7,6	22	2,6
Buk	229	121	52,8	110	11	68	61,8	19	17,3	10	9,1	4	3,6
Doborovci	1207	563	46,6	511	52	132	25,8	194	38,0	55	10,8	13	2,5
G. Doborovci	487	228	46,8	222	6	65	29,3	65	29,3	23	10,4	12	5,4
Džakule	1021	483	47,3	405	78	226	55,8	65	16,0	26	6,4	48	11,9
Gračanica	12130	6441	53,1	5961	480	933	15,7	1915	32,1	600	10,1	1284	21,5
D. Lohinja	1051	545	51,9	770	95	295	38,3	178	23,1	79	10,3	51	6,6
Lukavica	2638	1082	41,0	971	111	413	42,5	240	24,7	87	9,0	59	6,1
Malešići	2595	1351	52,1	1300	51	221	17,0	829	63,8	51	3,9	30	2,3
Miričina	2007	1028	51,2	906	122	105	11,6	163	18,0	120	13,2	75	8,3
D. Orahovica	3924	1722	43,9	1635	87	429	26,2	570	34,9	195	11,9	76	4,6
G. Orahovica	1589	716	45,1	664	52	202	30,4	230	34,6	61	9,2	16	2,4
Piskavica	494	311	63,0	297	14	98	33,0	132	44,4	22	7,4	12	4,0
Pribava	1920	918	47,8	842	76	85	10,1	151	17,9	148	17,6	86	10,2
Prijeko Brdo	487	324	66,5	312	12	269	86,2	23	7,4	11	3,5	1	0,3
Rašljeva	560	358	63,9	314	44	131	41,7	131	41,7	28	8,9	1	0,3
Soko	1361	745	54,7	654	91	148	22,6	302	46,2	27	4,1	39	6,0
Stjepan Polje	3055	1750	57,3	1600	150	475	29,7	351	21,9	130	8,1	65	4,1
Škahovica	1097	729	66,5	719	10	88	12,2	582	80,9	12	1,7	4	0,6
Trnovci	556	305	54,9	264	41	136	51,5	73	27,7	13	4,9	2	0,8
Vranovići	804	435	54,1	412	23	99	24,0	173	42,0	30	7,3	11	2,7
G. Lohinja	155	51	32,9	50	1	22	44,0	12	24,0	3	6,0	2	4,0
Lendići	154	58	37,7	54	4	13	24,1	23	42,6	3	5,6	4	7,4
Ukupno:	41296	21180	51,3	19825	1675	4881	24,6	6704	33,8	1799	9,1	1917	9,7

Tabela 5 . Izbori 2022. - Rezultati glasanja za Skupštinu Tuzlanskog kantona po mjesnim zajednicama Grada Gračanica (nastavak)

Biračko mjesto	NIP	%	BOSS	%	Stranka za BiH	%	PDA	%	SBB	%	BH Zeleni	%	SD BiH	%	Ostali	%
Babići	41	4,8	31	3,6	52	6,1	1	0,1	3	0,4	84	9,9	26	3,1	16	1,9
Buk	0	0,0	2	1,8	1	0,9	1	0,9	1	0,9	0	0,0	1	0,9	3	2,7
Doborovci	17	3,3	19	3,7	10	2,0	8	1,6	8	1,6	15	2,9	1	0,2	39	7,6
G. Doborovci	6	2,7	16	7,2	9	4,1	7	3,2	2	0,9	8	3,6	0	0,0	9	4,1
Džakule	2	0,5	17	4,2	7	1,7	1	0,2	2	0,5	2	0,5	4	1,0	5	1,2
Gračanica	216	3,6	177	3,0	164	2,8	71	1,2	108	1,8	190	3,2	47	0,8	256	4,3
D. Lohinja	19	2,5	43	5,6	25	3,2	7	0,9	7	0,9	37	4,8	1	0,1	28	3,6
Lukavica	21	2,2	31	3,2	17	1,8	9	0,9	12	1,2	56	5,8	0	0,0	26	2,7
Malešići	18	1,4	66	5,1	8	0,6	3	0,2	7	0,5	35	2,7	8	0,6	24	1,8
Miričina	99	10,9	23	2,5	145	16,0	12	1,3	12	1,3	22	2,4	12	1,3	118	13,0
D. Orahovica	111	6,8	81	5,0	44	2,7	19	1,2	22	1,3	16	1,0	20	1,2	52	3,2
G. Orahovica	36	5,4	26	3,9	34	5,1	5	0,8	3	0,5	28	4,2	7	1,1	16	2,4
Piskavica	3	1,0	4	1,3	5	1,7	2	0,7	3	1,0	7	2,4	0	0,0	9	3,0
Pribava	25	3,0	38	4,5	194	23,0	14	1,7	26	3,1	25	3,0	6	0,7	44	5,2
Prijeko Brdo	3	1,0	0	0,0	4	1,3	1	0,3	0	0,0	0	0,0	0	0,0	0	0,0
Rašljeva	5	1,6	3	1,0	2	0,6	5	1,6	1	0,3	2	0,6	2	0,6	3	1,0
Soko	17	2,6	9	1,4	4	0,6	0	0,0	6	0,9	83	12,7	3	0,5	16	2,4
Stjepan Polje	262	16,4	91	5,7	46	2,9	9	0,6	36	2,3	71	4,4	15	0,9	49	3,1
Škahovica	3	0,4	7	1,0	12	1,7	0	0,0	3	0,4	4	0,6	1	0,1	3	0,4
Trnovci	8	3,0	5	1,9	6	2,3	0	0,0	1	0,4	1	0,4	0	0,0	19	7,2
Vranovići	23	5,6	16	3,9	7	1,7	29	7,0	1	0,2	4	1,0	5	1,2	14	3,4
G. Lohinja	1	2,0	0	0,0	2	4,0	0	0,0	1	2,0	3	6,0	0	0,0	4	8,0
Lendići	2	3,7	3	5,6	0	0,0	0	0,0	1	1,9	3	5,6	0	0,0	2	3,7
Ukupno:	938	4,7	708	3,6	798	4,0	204	1,0	266	1,3	696	3,5	159	0,8	755	3,8

